

SAMOA

Faatulagaina o Aiaiga

- | | |
|--|-------------------------------|
| 1. Igoa puupuu ma le amataga | o Atinae Tau Tagata Tafafao |
| 2. Faamatalaina o uiga o upu | Maimoa |
| 3. Lafoga Toesea o Tupe Maua
mo Teugatupe Faafaigaluega | 4. Faaofiina o le fuaiupu fou |

2010, Nu. 33**O SE TULAFONO e teuteu ai le Tulafono o Lafoga o Tupe
Maua 1974.** *[9 Tesema 2010]***UA FAIA** e le Fono Aoao Faitulafono a Samoa i totonu o le
Palemene ua potopoto e faapea:**1. Igoa puupuu ma le amataga**-(1) E mafai ona taua lenei
Tulafono o le Tulafono o Teuteuga o le Tulafono o Lafoga o
Tupe Maua 2010.(2) O lenei Tulafono e amata faamamaluina i le aso e tuuina
i ai le maliega a Le Ao o le Malo.**2. Faamatalaina o uiga o upu** - I totonu o lenei Tulafono
ae vagana ai e manaomia e le mataupu se isi uiga e ese ai:“Tulafono Autu” o lona uiga o le Tulafono o Lafoga o Tupe
Maua 1974.

3. Lafoga Toesea o Tupe Maua mo Teugatupe Faafaigaluega o Atinae Tau Tagata Tafafao Maimoa - Ua teuteuina le fuaiupu 31 o le Tulafono Autu e ala i le:

- (a) aveesea mai le faafuaiupu (7) o le “aso 30 o Iuni 2008” ma suia i le “aso 30 o Iuni 2013”; ma
- (b) faaopoopo i le tuanai ai o le faafuaiupu (7), se faafuaiupu fou e faapea:

“(8) E ui lava i so o se isi lava tulafono, o se tagata e teufaafaigaluegaina le \$100,000 po o le sili atu i totonu o se Atinae Tau Tagata Tafafao Maimoa ua Faamaonia, i le va o le aso 1 o Iulai 2008 ma le aso e amata faamamaluina ai lenei Tulafono e tusa ai ma faafuaiupu (1) e oo i le (6), e tatau ona avanoa i se lafoga toesea o tupe maua a lea tagata i le fua faatatau e 100% o tupe maua o lena teugatupe faafaigaluega.”.

4. Faaofiina o le fuaiupu fou - Ua teuteuina le Tulafono Autu i le faaofiina i le tuanai ai o le fuaiupu 29 o le aiaiga e faapea:

“29A. Faaititiga o noataga mo lafoga o tupe maua mo Kamupani-(1) Ua agavaa se kamupani i le 100% o se foai e faia i se faalapotopotoga tau taaloga e toesea mai le aofaiga o ana noataga mo lafoga o tupe maua pe afai ua faamalieina manaoga e faapea:

- (a) ua faia le foai i tinoitupe;
- (b) e \$5000.00 pe sili atu le foai;
- (c) ua faia le foai mo se faalapotopotoga tau taaloga ua faamauina i lalo o le Tulafono o Sosaiete Faamauina 1952 po o le Faalapotopotoga o Taaloga a Samoa ma le Komiti o Olimipeka a le Atunuu; ma
- (d) ua sueina faasuetusi faamatalaga tau tupe a le faalapotopotoga tau taaloga na mauaina foai, e se kamupani tausi tusi.

(2) E mafai e se kamupani ona talosaga i le Komesina ia agavaa ai mo se faaitiitiga i lalo o le faafuaiupu (1).

(3) E mafai e le Komesina ona faatagaina atu ni faaitiitiga ona o se talosaga ua faia i lalo o le faafuaiupu (2) e pei ona faatonuina i se tulaga e tusa ai ma mataupu taitasi.”.

**O le Tulafono o Teuteuga o le Tulafono o Lafoga o Tupe Maua
2010 o lo o faafoeina e le Matagaluega mo Tupe Maua.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**